

2013 Rhif 3048 (Cy. 309)

BWYD, CYMRU

Rheoliadau Bwyd (Diwygiadau Amrywiol) (Cymru) 2013

NODYN ESBONIADOL

(Nid yw'r nodyn hwn yn rhan o'r Rheoliadau)

Mae'r Rheoliadau hyn yn gweithredu Rheoliad y Comisiwn (EU) Rhif 1079/2013 sy'n gosod mesurau trosiannol ar gyfer cymhwysio Rheoliadau (EC) Rhif 853/2004 ac (EC) Rhif 854/2004 Senedd Ewrop a'r Cyngor ("Rheoliad y Comisiwn"). Maent hefyd yn gweithredu Rheoliad Gweithredu'r Comisiwn (EU) Rhif 702/2013 ar fesurau trosiannol ar gyfer cymhwysio Rheoliad (EC) Rhif 882/2004 Senedd Ewrop a'r Cyngor o ran achredu labordai swyddogol sy'n cynnal profion swyddogol ar gyfer *Trichinella* ("Rheoliad Gweithredu'r Comisiwn"). Yn ogystal maent yn cywiro mân wall yn Neddf Diogelwch Bwyd 1990.

Mae'r Rheoliadau hyn yn gweithredu Rheoliad y Comisiwn drwy ddiwygio Rheoliadau Hylendid Bwyd (Cymru) 2006 i estyn mesurau trosiannol hyd 31 Rhagfyr 2016, drwy hepgor y diffiniad o Reoliad y Comisiwn (EC) Rhif 1162/2009 ("Rheoliad 1162/2009"), sy'n cael ei ddiddymu, a'r cyfeiriadau ato, a mewnosod cyfeiriadau at Reoliad y Comisiwn a Rheoliad Gweithredu'r Comisiwn (rheoliad 2).

Mae'r Rheoliadau yn gweithredu Rheoliad Gweithredu'r Comisiwn drwy ddiwygio Rheoliadau Rheolaethau Swyddogol ar Fwyd Anifeiliaid a Bwyd (Cymru) 2009 i estyn mesurau trosiannol hyd 31 Rhagfyr 2016, drwy hepgor y diffiniad o Reoliad 1162/2009 a'r cyfeiriadau ato, a mewnosod cyfeiriadau at Reoliad Gweithredu'r Comisiwn (rheoliad 3).

Mae'r Rheoliadau hyn yn gwneud mân ddiwygiad i Atodlen 2 i Reoliadau Diogelwch Bwyd (Samplu a Chymwysterau) (Cymru) 2013 (rheoliad 4) ac i adran 9(5)(a) o Ddeddf Diogelwch Bwyd 1990 er mwyn cywiro cyfeiriad gwallus at rif paragraff (rheoliad 5).

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Rheoliadau hyn. O ganlyniad, ystyriwyd nad oedd yn angenrheidiol cynnal asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn.

2013 Rhif 3048 (Cy. 309)

BWYD, CYMRU

Rheoliadau Bwyd (Diwygiadau Amrywiol) (Cymru) 2013

Gwnaed 3 Rhagfyr 2013

*Gosodwyd gerbron Cynulliad Cenedlaethol
Cymru* 5 Rhagfyr 2013

Yn dod i rym 1 Ionawr 2014

Mae Gweinidogion Cymru yn gwneud y Rheoliadau a ganlyn drwy arfer y pwerau a roddwyd gan adran 2(2) o Ddeddf y Cymunedau Ewropeaidd 1972(1) (“Deddf 1972”) ac, at y diben o wneud rheoliad 4 o’r Rheoliadau, adrannau 27(2) a (5), 30(9) a 31(1) o Ddeddf Diogelwch Bwyd 1990(2).

Mae Gweinidogion Cymru wedi eu dynodi at ddibenion adran 2(2) o Ddeddf 1972 mewn perthynas â mesurau sy’n ymwneud â bwyd (gan gynnwys diod) gan gynnwys cynhyrchu sylfaenol o ran bwyd(3).

Cynhaliwyd ymgynghoriad fel sy’n ofynnol gan Erthygl 9 o Reoliad (EC) Rhif 178/2002 Senedd Ewrop a’r Cyngor sy’n gosod egwyddorion cyffredinol a gofynion cyfraith bwyd, yn sefydlu Awdurdod Diogelwch Bwyd Ewrop ac yn gosod gweithdrefnau o ran materion diogelwch bwyd(4).

-
- (1) 1972 p.68. Diwygiwyd adran 2(2) gan adran 27(1) o Deddf Diwygio Deddfwriaethol a Rheoleiddiol 2006 (p.51) a Rhan 1 o’r Atodlen i Ddeddf yr Undeb Ewropeaidd (Diwygio) 2008 (p.7).
 - (2) 1990 p.16, fel y’i diwygiwyd gan O.S. 2004/3279. Trosglwyddwyd swyddogaethau o dan y Ddeddf honno i Gynulliad Cenedlaethol Cymru gan Orchymyn Cynulliad Cenedlaethol Cymru (Trosglwyddo Swyddogaethau) 1999, fel y’i darllenir gydag adran 40(3) o Ddeddf Safonau Bwyd 1999, ac wedi hynny i Weinidogion Cymru gan baragraff 30 o Atodlen 11 i Ddeddf Llywodraeth Cymru 2006.
 - (3) O.S. 2005/1971. Trosglwyddwyd swyddogaethau a roddwyd i Gynulliad Cenedlaethol Cymru i Weinidogion Cymru wedi hynny gan baragraff 30 o Atodlen 11 i Ddeddf Llywodraeth Cymru 2006 (2006 p.32).
 - (4) OJ L 31, 1.2.2002, t.1, fel y’i diwygiwyd ddiwethaf gan Reoliad (EC) Rhif 596/2009 Senedd Ewrop a’r Cyngor sy’n addasu nifer o offerynnau sy’n ddarostyngedig i’r weithdrefn y cyfeirir ati yn Erthygl 251 o’r Cytuniad i Benderfyniad y Cyngor 1999/468/EC o ran y weithdrefn reoleiddiol ynghyd â chraffu: Addasiad i’r weithdrefn reoleiddiol ynghyd â chraffu – Rhan Pedwar (OJ L 188, 18.7.2009, t.14).

Enwi, rychwantu a chychwyn

1.—(1) Enw'r Rheoliadau hyn yw Rheoliadau Bwyd (Diwygiadau Amrywiol) (Cymru) 2013.

(2) Mae'r Rheoliadau hyn yn gymwys o ran Cymru a deuant i rym ar 1 Ionawr 2014.

Diwygio Rheoliadau Hylendid Bwyd (Cymru) 2006

2.—(1) Mae Rheoliadau Hylendid Bwyd (Cymru) 2006⁽¹⁾ wedi eu diwygio fel a ganlyn.

(2) Yn rheoliad (2)(1) (dehongli)—

(a) hepgorer ““Rheoliad 1162/2009” (“*Regulation 1162/2009*”); a

(b) yn lle “a “Rheoliad 28/2012” (“*Regulation 28/2012*”) rhodder “, “Rheoliad 28/2012” (“*Regulation 28/2012*”), “Rheoliad 702/2013” (“*Regulation 702/2013*”) a “Rheoliad 1079/2013” (“*Regulation 1079/2013*”).

(3) yn Atodlen 1 (Diffiniadau o Ddeddfwriaeth UE)—

(a) hepgorer y diffiniad o “Rheoliad 1162/2009”;

(b) yn y diffiniad o “Rheoliad 853/2004” yn lle ““Rheoliad 1162/2009”” rhodder ““Rheoliad 1079/2013””;

(c) yn y diffiniad o “Rheoliad 854/2004” yn lle ““Rheoliad 1162/2009”” rhodder ““Rheoliad 1079/2013””;

(d) yn y diffiniad o “Rheoliad 882/2004” yn lle ““Rheoliad 1162/2009”” rhodder ““Rheoliad 702/2013””;

(e) ar y diwedd, mewnosoder—

“ystyr “Rheoliad 702/2013” (“*Regulation 702/2013*”) yw Rheoliad Gweithredu'r Comisiwn (EU) Rhif 702/2013 ar fesurau trosiannol ar gyfer cymhwyso Rheoliad (EC) Rhif 882/2004 Senedd Ewrop a'r Cyngor o ran achredu labordai swyddogol sy'n cynnal profion swyddogol ar gyfer *Trichinella*(**2**);

ystyr “Rheoliad 1079/2013” (“*Regulation 1079/2013*”) yw Rheoliad y Comisiwn (EU) Rhif 1079/2013 sy'n gosod mesurau trosiannol ar gyfer cymhwyso Rheoliadau (EC) Rhif 853/2004 ac (EC) Rhif 854/2004 Senedd Ewrop a'r Cyngor(**3**).”.

(1) O.S. 2006/31 (Cy.5) fel y'i diwygiwyd gan O.S. 2012/1765. Mae offerynnau diwygio eraill ond nid oes yr un ohonynt yn berthnasol.

(2) OJ Rhif L 199, 24.7.2013, t.3.

(3) OJ Rhif L 292, 1.11.2013, t.10.

Diwygio Rheoliadau Rheolaethau Swyddogol ar Fwyd Anifeiliaid a Bwyd (Cymru) 2009

3.—(1) Mae Rheoliadau Rheolaethau Swyddogol ar Fwyd Anifeiliaid a Bwyd (Cymru) 2009(1) wedi eu diwygio fel a ganlyn.

(2) Yn rheoliad 2(1) (dehongli) yn lle “Rheoliad 1162/2009” rhodder “Rheoliad 702/2013”.

(3) Yn Atodlen 1 (Diffiniadau o Ddeddfwriaeth yr UE)—

- (a) hepgorer y diffiniad o “Rheoliad 1162/2009”;
- (b) yn y diffiniad o “Rheoliad 853/2004” yn lle ““Rheoliad 1162/2009” rhodder ““Rheoliad 1079/2013””;
- (c) yn y diffiniad o “Rheoliad 882/2004” yn lle ““Rheoliad 1162/2009”” rhodder ““Rheoliad 702/2013” (“*Regulation 702/2013*”)”;
- (d) ar y diwedd, mewnosoder—
“ystyr “Rheoliad 702/2013” (“*Regulation 702/2013*”) yw Rheoliad Gweithredu'r Comisiwn (EU) Rhif 702/2013 ar fesurau trosiannol ar gyfer cymhwyso Rheoliad (EC) Rhif 882/2004 Senedd Ewrop a'r Cyngor o ran achredu labordai swyddogol sy'n cynnal profion swyddogol ar gyfer *Trichinella*.”

Diwygio Rheoliadau Diogelwch Bwyd (Samplu a Chymwysterau) (Cymru) 2013

4.—(1) Mae Rheoliadau Diogelwch Bwyd (Samplu a Chymwysterau) (Cymru) 2013(3) wedi eu diwygio fel a ganlyn.

(2) Yn Atodlen 2, ym mharagraff 5 hepgorer “ynghyd ag aelodaeth o'i Grŵp Proffesiynol Microbiolog Bwyd”.

Diwygio Deddf Diogelwch Bwyd 1990

5. Yn adran 9(5)(a) o Ddeddf Diogelu Bwyd 1990 (arolygu bwyd amheus ac ymafael ynddo), yn lle “4(a)” rhodder “4(b)”.

Mark Drakeford

Y Gweinidog Iechyd a Gwasanaethau Cymdeithasol,
un o Weinidogion Cymru

3 Rhagfyr 2013

(1) O.S. 2009/3376 (Cy.298), fel y'i diwygiwyd gan O.S. 2011/626 (Cy.90).